



ليبيا الإخبارية تنفرد بنشرها :

الملاحمة الشعرية

■ فكرة: منى بن هيبة الشريدي

رأس البيت للنقاد والشاعر الشعبي:
عبد الحميد بن دله الورفلي
والشاعر الشعبي: رابع بوخبينة الزوي

عدد الشعراء: 13 شاعر وشاعرة
عبد الحميد بن دله الورفلي
سليمان بوخضرة البرعصي
عبد السلام ارحيم الحسناوي
محمد عمار شهبوب
توفيق الغيزاف
عبد الله امبيوة الزنتاني
سليمان البوزيدي
فاطمة مفتاح بن اعموم
رابع بوخبينة الفاخري
عبد الباسط اغنية الورفلي
عزالدين العكاري العمامي
عبد السلام سلامة الرياحي
عبد العاطي اغنية الورفلي

شرح مبسط:


الخلّال: مادة خشبية تصنع من أعواد أشجار السدر أو الحلاب أو الرتم، وينجّر وينعّم ويحفّف ويدبب من قبل العارفين به بأداة حادة كالسكين وخلافها ويستخدم لغرض تثبيت الأشياء ببعضها البعض وقد استخدم الأجداد منذ القدم الخلّال في تثبيت ستائر بيوتهم الشعبية (الخيام).

نقول عندنا الخلّال أو الخلّه أو لخلله ونعني بهذا الشيء الذي يربط الستار بالبيت، وهنا شبه الشاعر الوطن بالبيت الكبير فالستار (الرواق) هو الساتر لأهل البيت الذي يقيهم الحر

والبرد و(الفاهق) هو فتحة بين البيت وستارته ناتجة عن تمزق القماش المكون للرواق وقد تحدّث نتيجة كسر أو ارتخاء (لخلّال).

أطل علينا الشاعر بمبادرة طيبة إذ دعا إخوته الليبيين لتنجير (لخلال) ورقع (الفاهق) كل ممزق تأهباً لأي طائرٍ منعا للعواصف التي قد تلف بأنحاء البيت وتطليح بأعواده وستارته وقد تهلكه وتوقعه إذا ما تمزقت الستائر المرقعة واتسعت فتحاتها (الفواهق) كما دعاهم للعودة لممارسة نجارة (لخلله) استعدادا لتأمين البيوت القابضة تحت أزيز طائرات العدو وهو

حينما دعاهم للعمل والعودة لخيرات الأرض والاستفادة منها بأي شكل من الأشكال فإنما نصحهم بأن يغلّوا أيديهم عن المساعدات الخارجية التي تتقاذفهم من كل حذب وصوب كما تتقاذف صواريخ العدو فوق سماء الوطن، ولم يستخدم الشاعر كلمة (طق) عندما استحضر (لخلال) لأن (الطق) يكون بالمعدن الجاهز إنما استدعى (التنجير) فأداة التجارة يمكن صنعها حتى باليد على المعدن الذي لا يأتي في الغالب إلا من خارج حدود الوطن.



■ **محمد عمار شهبوب:**

لموا الشمل...وكونوا جماعه ترفعوه الحمل...بالصبر بجتهادكم بالعمل...بالصلح موطنكم يولي رايد...وبيه توصلوا يا خوت شطّ الأمل...من وسط الغريق اللي ظلامه سايد .. وينبت نبات اخضر يغطي الرمل.. وبعد الجذب يحضر الغيث بدايد .. تريحوا تنهّوا.. كان صلحكم شوره اكل تدنوا.. وتطووا اجروح اقلوب منها اياتوا.. لم شملكم ليها يكون ضمايد.. راه وطنكم في دفع نوضوا ونوا.. عليه سيل من كل النواحي لايد.. شتاتكم عجب زمرات ما ينعنوا.. الطامع برز فيهم وهو القايد.. تنجير الخلال ورقع خيط الباياد خير.. خير من فواهق كل يوم بزايذ.. هيا بلا تأخير وانثوا اتنهوا.. اعلان صلحكم خلوا ف كل جرايد.. وراكم اجيلال ف صلحكم يستنوا.. عليكم بنوا حلم النجاح الشايد.. طلق لخلال ورقع هللي بايد.. خير من افواهق كل يوم بزايذ..



■ **عبد الباسط عبد النبي اغنية:**

تنجير الاخлле .. راهو خير ونقولو اسم الله .. ال رقع الحال واللي ضاع خله .. غير العبر ما منه فوايد .. وطن وطاح يبغي من يقله .. ما يبيش حايد لا نعايد .. ببي بدين ممدوده تقله .. ال برا فيه الامان ايتصايد .. ببي قلوب من غصة العله .. تبحر بيه ل شط السعايد .. يبغي عزم في الظلمة يدله .. يبيش تعود نيرانه وقايد .. ببي نفوس تصنفى بيش حله .. تلهى بيه وتزول الغدايد .. ببي راى والراى يتجله .. من ما قال ربى بالوكايد .. من ما جاب محمد وخله .. بيش ما يضع من جد وجدايد .. قد ما صام الانبادم وصلّى .. عليه سلام طباب الافوايد .. تنجير الخلال وطقنا فالبايد..خير من افواهق كل يوم بزايذ.. بين اقدم من مليو مكموره .. المن بالوطن متولهن شعوره.. وعنده عقل واعى للخطوره..وعارف عمق جرحه والضممايد .. مدرك هول ما عكست الصوره .. من هالبيت واللي بيه جايد .. طب الوطن كي طبة الكوره .. بين اقدم من مليو مكايذ .. ليه زمان شوره موش شوره .. مو مرتاح من كتر الصهايد .. فيه ان جيت مالخاطر وغوره .. وصف ال داه يحتاج ال جرايد .. نو فيش وصفه لا نجوره .. ان قتلك حي ما بين اللحايد .. هو محتاج لانفوسا صبور .. ما ترتاب في فك النقايد .. هو محتاج كل فلان دوره .. ياخذ فيه بيش يعود سايد .. هو محتاج ليّنا يا مصقوره .. بيش يعود لدرب الرشايذ .. حتى ان صاف من بعد الخضوره .. تاني يعود كان الله رايد .. تنجير الخلال ورقع هلي بايد...خير من افواهق كل يوم بزايذ..



■ **فاطمة مفتاح بن اعموم:**

تنجير الخلال ورقع هلي بايد..خير من فواهق كل يوم بزايذ.. تهليح الفواهق علة..والصلح غير من زيد الكلام وقلة .. وللي انهلع ساهل علينا خله.. مادام ليّنا في القلوب ودايد .. وحمل الجمل مانغلبوا في قله.. والعزوم راهن من زمان شدايذ .. والصلح لاهو دقّرة لا ذله.. هو خير من تدبير هالمكايذ .. رقع الفواهق خير.. وشدة الجابر مانهار تضير .. للي فات مات وردته ماتصير..دفناه ونحطوا عليه لحايد .. وطن وتشطلى خيرنا للغير..سايحين في تيار سوه عايد .. قواريب الموت كبيرنا وصغير..والموت فيّنا لآعبه بالزايذ .. حق وواجب..سوا ماعجب واللا ان تما عاجب .. هذا وطننا نحطوه فوق الحاجب..ونسوا مشاك مالهاش فوايد..

البيتية..ربة عصر ليكم اسماح عوايد .. نريدوا همة..رجاجيل تقفزع شمل وطن تلمه .. نبوا وطننا شامخ عزيز مسمى..وطن خير في صنع الحضارة رايد .. يكفني الانقسام وشهدرة ومذمة..خراب راينا في جرة نصيب شوايد .. وما من اللي لا واجعه لا ييمه..يعد في مصاب الناس ليه فوايد .. لسوق الطمع ساري وسافي كمه..لمكسابه ناصب حفر ومصايد .. العادي طمع فيّنا وزرع سمه..شبايات وار ينا فوسط لحايد .. نشر فتن بين الخال والابن وعمه..صبح حالنا حالة بلاء ونكايد .. والوطن حازاته هموم وغمة..وبايا العويلة في معاشه كايد.. وما من اللي مفقود عانت أمه..لا ليل ترقد لا تروم وسايد ..والقلوب ما لانت عصية صمة..وفي الغل نلنا مرتبة و شهايد .. سواتكم بالذاريات وعم.. للوطن كونوا مرحمة وسنايد .. ما يدوم حال ولا تدوم ملمة..كلام قايل في آبيات ضمن قصايد

تنجير الخلال ورقع هلي بايد.. خير من فواهق كل يوم بزايذ .. خلوا القلوب نقيه ...لا موعة لا احقاد لا كيديه .. يكفي تشطي وقصص مأساويه..ضاق حالنا والهّم بينا لايد .. لمته الضغائن بيننا والسية..ولمته هتايا والدموع بدايد .. ولمته الخو في الوطن يقتل خيه .. والدّم سايل سيل ليه مدايد .. ولمته فحال الوهن والسلبية .. ولمته بمجد اجدودنا نزايد .. ولمته يعيش الورد دون اميه ..والجرح ما يلقاش ليه ضمايد .. واحنا مناهج دينا الوسطية ..مانا طوايف لا ملل لا عقائد .. خودوا بنهج رسول الانسانية..اللي بحكمته حنن قلوب شدايذ .. منح يوم مكة العفو والحرية..لم شمل لا في صيد لا في صايد .. هاتوا ايديكم يا عربنا هيا..خلوا خطاب الصلح هو اللي سايد ..ليبيا وطننا وبيتنا جميلة..نتصالحوا نردوا احباب ودايد .. فيكم عشمنا يا ضنا



■ **سليمان علي البوزيدي:**

■ **توفيق الغيزاف الدرسي:**

البيت وثاقه..عدلة ارمامه والدفاء برواقه.. ما اتريد تنفع قسمته بطقاقه..وسرد الحسايف فوق حيط نضايد.. اترج الماثبات كثرة الدقاقه..سطيرهن على جازل البيت ايكايذ.. إيهقل البيت وتلقّحه نفداهه..وبقي مع ريج الخريف إيمايذ.. احياط الرقيع وشكّمة الفوهاقه..إيريدن ايدين امحسرات عضايد.. وبرمة كبير ايسطرسه ولباقة..ابهتدب وهو صاحب الراي السايد .. لكن الدنيا جائرة فراقه..جابت اسنين اموسمات شدايذ.. ابقى رزق طير ابدارنا و ازراقه..وشاخو على كوف الطمير لمايد..وجدت علينا فالعقاب صفاقة.. وشهدن على قطعة الروس جرايد .. ابقينا انهابو شكّمة البراقة..واحنا فالفراسة صاحبين عوايد..ملسوع العدامة عندنا ترياقه..كنا وكنا للجروح....ضممايد..امغير الطمع فيّنا خذا غنداقة..اعقول عامرة ثمن امغير صمايد..ورايجين بين الدبك والبنداقة..على حرب مافيهيا لقاطل حصايد..ماعدنا فيها..جمل لا ناقة..امغير نار واتخلف النار رمايد..بلهد عدونا في فرس محماقة..ونحنا على فضلة اخيول قعايد..واليوم كل حد فيّنا طلق مزراقه..ابقيّنا بعد جار الزمان...طرايد..تنجير الخلال ورقع هلي بايد ..خير من افواهق كل يوم بزايذ..

■ **سليمان بوخضرة البرعصي:**

تنجير الخلال و طقا.. وسد الفواهق فيه خير اتحقا.. وابرم على اللي فيه بايد شقا.. وكرب ارمامه ما ييوج مايذ.. اجبر اثنين و لربعة تتقا.. وشقة طريقه فارقه الزوايد.. امفرش ابخلفه حيه مية نقا.. اجواد اللب طليك اصحاب عوايد.. ايعطوا الحق وياخذوا في حقا.. ويردوا اللي حايك عليه مكايذ.. دونه مصابي صف واحد تلقا.. واحد و تلقاهم اعزوم شدايذ.. خير مناله..لو كان يقوله ابليس نعاله.. الفاهق اللي يطلق ايجيه اخلاله.. واللي بايدة تشالال خير وعايذ.. اتبن فالغرارة عزّتا ودلاله..وتعود شكوته تسقي الضيف ودايد.. وينسوا اللي فايت مشى في حاله.. ولا يكون كلمت لناره كايد.. وينسوا اللي فايت مشى في حاله.. ولا يكون كلمت لناره قايد.. لاجل أمانة للجيال ماله.. لا تورثهم شي فيه غدايد.. اتمومج وعامر يا الله برجاله..انظاف الانوايا للجروح ضمايد.. تنجير الخلال ورقع هلي بايد..خير من افواهق كل يوم بزايذ ..



■ **عبد الحميد بن دلة الورفلي:**

تنجير الخلّال ورقع هلي بايد.. خير من فواهق كل يوم بزايذ .. رقع البياذ وضربه ... وشدت الجابر في حفير الكربة .. وين ما بدى زعنافهن من غربه.. وبائن اقتافاته اتقاو صمايد .. شدو المقادم وابرمو عالمربه .. ابليف الطناب وم الحديد وتايد ... راى ساهلة العبطة السوق الخربة .. الا الواجرة حزة السوق الكايد.. تنجير الخلال ووجهته وتقاّنة .. وتقلّة أرواق البيت واسناحاته.. ولا اتقولها غرز السحاب فاته.. راه شومهن مازال فيّنه ايصايد .. وقعد احداك الوني زيد تباته .. وحط ماعليه اتخاف فوق سدايد .. بيش التهنه ابسكنته وشناته.. وبيش في أظلاله ننعمو برغايد ..